



Projekat finansira Evropska
unija

Regionalni program lokalne demokratije na Zapadnom Balkanu ReLOaD



u partnerstvu sa Općinom Centar Sarajevo

OPĆINA CENTAR SARAJEVO U PARTNERSTVU SA RAZVOJNIM PROGRAMOM UJEDINJENIH NACIJA RASPISUJE: JAVNI POZIV ORGANIZACIJAMA CIVILNOG DRUŠTVA/NEVLADINIM ORGANIZACIJAMA ZA PREDAJU PRIJEDLOGA PROJEKATA U SKLOPU PROJEKTA REGIONALNI PROGRAM LOKALNE DEMOKRATIJE NA ZAPADNOM BALKANU (ReLOaD)

ReLOaD je regionalni projekat kojeg finansira **Evropska unija (EU)**, a implementira **Razvojni program Ujedinjenih nacija (UNDP)** u šest zemalja/teritorija Zapadnog Balkana i to: Albanija, Republika Sjeverna Makedonija, Bosna i Hercegovina, Crna Gora, Kosovo*¹ i Srbija.

Općina Centar Sarajevo i projekat ReLOaD pozivaju sve organizacije civilnog društva (OCD)/nevladine organizacije (NVO) iz Bosne i Hercegovine da dostave prijedloge projekata koji su u skladu sa razvojnim ciljevima općine koji su navedeni u dokumentu Strategija razvoja Općine Centar Sarajevo za period 2016.-2022., iz sljedećih prioritetnih oblasti:

1. OBRAZOVANJE

- 1.1. Neformalno obrazovanje, cjeloživotno učenje i projekti opismenjavanja stanovništva;
- 1.2. Podrška projektima poboljšanja inkluzivnosti predškolskog, osnovnog i srednjeg obrazovanja;

2. KULTURA

- 2.1. Afirmacija tradicije i kulturno - historijskog naslijeđa BiH;
- 2.2. Promocija nematerijalne kulturne baštine i umjetničkog stvaralaštva na području općine Centar Sarajevo

3. ZAŠTITA OKOLIŠA

- 3.1. Zaštita životne okoline i podizanje ekološke svijesti kroz ekološku edukaciju i aktivizam;

4. SOCIJALNA POLITIKA I ZDRAVSTVO

- 4.1. Prevencija nasilja u porodici, maloljetničke delinkvencije i vršnjačkog nasilja, zaštita fizičkog i mentalnog zdravlja;
- 4.2. Projekti koji imaju za cilj promociju, edukaciju i unapređenje kvaliteta života i zaštitu ljudskih prava

5. MLADI

- 5.1. Rad sa mladima i borba protiv ovisnosti (vršnjačke edukacije o štetnosti psiho-aktivnih supstanci, faktorima rizika, fazama razvoja i sposobnosti ranog otkrivanja bolesti ovisnosti);
- 5.2. Ljudska prava i demokracija

6. SPORT

- 6.1. Uključivanje adolescenata u sportsko-društvenu sferu života, s ciljem jačanja sportskog duha kao značajnog aspekta u razvoju zdravog načina života
- 6.2. Sportske aktivnosti i takmičenja za lica sa invaliditetom

Iznosi sredstava za odobrene projekte će biti od 10.000 KM do 70.000 KM. Jedna organizacija civilnog društva može podnijeti više projektnih prijedloga s tim da je maksimalan novčani iznos sredstava koja mogu biti dodijeljena za implementaciju projekata jednoj organizaciji civilnog društva tokom ukupnog trajanja ReLOaD projekta (tri godine) 120.000 KM.

Općina Centar Sarajevo i UNDP zadržavaju pravo da ne dodijele sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

Dužina trajanja svakog projekta može biti od pet (5) do devet (9) mjeseci. Izabrani projekti se trebaju realizovati u periodu oktobar 2019. – juni 2020. godine.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrovane OCD i NVO (udruženje/udruga ili fondacija), u skladu sa važećim zakonskim propisima u Bosni i Hercegovini.

Sve zainteresovane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u Smjernicama za aplikante u okviru javnog poziva.

PREUZIMANJE DOKUMENTACIJE:

¹Ova oznaka ne dovodi u pitanje stavove o statusu i u skladu je sa Rezolucijom UNSCR 1244/1999 i Mišljenjem Međunarodnog suda pravde o kosovskoj Deklaraciji o nezavisnosti.

Sve potrebne informacije i elektronska verzija cijelog paketa prijavne dokumentacije može se naći na web stranici: www.ba.undp.org, kao i na web stranici Općine Centar Sarajevo www.centar.ba.

Dokumentacija za prijavu na javni poziv za Općinu Centar Sarajevo se može preuzeti **od 16. jula do 27. augusta 2019.godine**, slanjem zahtjeva sa nazivom zainteresovane organizacije na e-mail: registry.ba@undp.org; ismeta.demir@centar.ba ili lično preuzimanjem u Općini Centar, Služba za boračko invalidsku, socijalnu zaštitu i društvene djelatnosti, Ulica Miss Irbina 1, Sarajevo.

INFORMATIVNE SESIJE:

- Za zainteresovane predstavnike OCD planiran je **trodnevni Trening upravljanja projektnim ciklusom (PCM) sa početkom 23. jula 2019. godine** u 10,00 sati u JU Centar kulture i mladih Općine Centar Sarajevo, ulica Jelićeva 1. Sarajevo. Za učešće na treningu neophodno je izvršiti prijavu putem email na ismeta.demir@centar.ba najkasnije do 19. jula do 12,00 sati.
- Informativni sastanak sa zainteresovanim organizacijama „**Otvoreni dan**“ će biti održan **19. jula 2019. godine od 11,00 do 12,00 sati u Centru za zdravo starenje, ulica Titova 12, Sarajevo**. Potencijalni aplikanti će tokom sastanka biti detaljnije upoznati sa pozivom, načinom prijavljivanja, kriterijima, itd.
- Predstavnicima OCD će biti pružena dodatna pomoć konsultanta Mentora prvi sastanak sa mentorom planiran je za **25. jula 2019. godine od 14,00 sata u JU Centar kulture i mladih Općine Centar Sarajevo, ulica Jelićeva 1. Sarajevo**. Dodatni sastanci koje organizuje mentor sa OCD/NVO će se takođe održavati javno, a raspored će, uključujući datum i vrijeme, biti objavljen putem opštinske web stranice. U svrhu transparentnosti zapisnici sa održanih sastanaka sa mentorom će biti objavljeni na stranici Općine. Na ovaj način će se omogućiti da informacije budu dostupne za OCD/NVO koje nisu bile u mogućnosti da prisustvuju sastancima sa mentorom.
- Pitanja u vezi sa javnim pozivom se mogu postaviti putem e-mail adrese registry.ba@undp.org sa naznakom za ReLOaD projekat. Pitanja se mogu postavljati do **20. augusta 2019. godine**. Odgovori na upite će biti dostavljeni u pisanoj formi unutar tri radna dana od primanja upita.
- Osim toga, dostupan je i dokument, Informacije o čestim greškama, koji daje pregled najčešćih grešaka, kao i druge dokumente javnog poziva, kao i često postavljana pitanja (FAQ). Oba dokumenta su rezultat ranije objavljenog poziva u općini Centar Sarajevo i odnose se na nove podnosiocje zahtjeva kako bi se izbjegli isti ili slični prekršaji tokom ovog poziva.

PREDAJA APLIKACIJA:

Ispunjena aplikacija (sa kompletnom zahtjevanom dokumentacijom) se mora dostaviti **u tri (3) primjerka u štampanoj formi i jednoj elektronskoj kopiji (CD ili USB)** u zatvorenoj koverti preporučenom poštom ili lično tokom radnih dana (ponedjeljak – petak), u periodu od 8 do 15sati na sljedeću adresu, sa naznakom za ReLOaD projekat:

Općina Centar Sarajevo
Protokol
Ulica Mis Irbina 1
71 000 Sarajevo, Bosna i Hercegovina

Rok za predaju aplikacija je **27. august 2019. godine, do 15,00 sati**. Aplikacije dostavljene nakon navedenog roka će biti razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”**.

Svi aplikanti koji su predali prijedloge projekata, koji su prihvaćeni ili odbijeni, će biti obavješteni u pisanoj formi o odluci u vezi sa njihovim prijedlogom projekta u roku od 30 dana od dana zatvaranja javnog poziva. Rezultati će biti objavljeni na: www.ba.undp.org, te na web stranici Općine Centar (www.centar.ba), kao i na oglasnoj ploči Općine. Organizacije čiji projekti budu odobreni će biti dužne da ih prevedu na engleski jezik i dostave donatoru prije potpisivanja ugovora.